



UNIVERSITÄTS-
BIBLIOTHEK
PADERBORN

**Tractatus Juridicus Ad Librum III. Decretalium Gregorii IX.
Clericorum in communi, nec non Prælatorum, ac
Capitulorum in specie obligationes, & jura complectens**

Scharz, Oddo

Salisburgi, 1738

Titulus VII. De Institutionibus.

[urn:nbn:de:hbz:466:1-63800](https://nbn-resolving.de/urn:nbn:de:hbz:466:1-63800)

§. 14. ¶ 4. seqq. inquirit. Nos, quoniam pagellarum angustiae nos premunt, ad alia properamus, suo tempore, si superis placet, ubi secundas forte curas nostris scriptis adjecerimus, defectum hunc compensaturi.

T I T U L U S VII.

De Institutionibus.

Inter modos legitimos acquirendi Beneficia Ecclesiastica recensetur etiam *Institutio*, quæ fit ad præviam Patroni præsentationem. Et de hac, postquam *Tit. 5.* præcedente collatio Beneficii *libera* explicata est, recto ordine in præsenti Titulo agitur.

§. I.

Quid, & quotuplex sit Institutio?

S U M M A R I A.

1. *Institutio latè accepta* convenit cum aliis modis Canonicis alicui de beneficio providendi, strictè accepta describitur.
2. *Institutio* alia dicitur *collativa*, alia *authorizabilis*, alia *corporalis*.
3. *Institutio corporalis*, quæ & *investitura* vocatur, alia est *verbalis*, alia *realis*.

Vox hæc *Institutio* in latiori significatione accepta denotat quemcunque modum Canonicum alicui de beneficio providendi, *cap. 1.* de *R. J.* in *6.* vel etiam admissionem, sive susceptionem ad Ecclesiam, vel Monasterium, juxta *cap. 1.* & *5.* ubi plures ad Monasterium suscipi prohibentur, quam ali de bonis Ecclesiæ commodè possint. Strictè sumpta, prout opponitur *Electioni*, & *Collationi*, denotat illam provisionem beneficii, quæ fit ad præsentationem Patroni, & in hac acceptance.

Describitur, quod sit *concessio Beneficii* vacantis non libera, ad præsentationem, vel nominationem alicujus legitima authoritate facta. Ex qua descriptione relucet differentia inter *Collationem*, & *Institutionem*, dum in illa collator, cuicunque vult, modo idoneo, beneficium liberè conferre vallet. *cap. 9. de Præbend.* In hac verò iasituens beneficium præsentato, vel nominato, si ceteroquin dignus reperiatur, præcisè conterre teneatur, ut pluribus traditur in *Tit. de Jur. Patronat.*

Di-

2. Dividitur Institutio sic descripta in *collativa*, *authorizabilem*, & *corporalem*. *Collativa* dicitur, qua ad præsentationem Patroni Beneficium conceditur. *Authorizabilis* vocatur, qua datur potestas exercendi curam animarum. *Institutio denique corporalis* est ipsa investitura, & introducere in possessionem. *cap. 5. de Offic. Archid.* Hæc ipsa tamen *investitura* potest vel strictè, vel latè accipi. Propriè & strictè accepta significat ipsam possessionem realiter traditam. Ut patet ex lib. 2. *feud. Tit. 2. Hotoman. de Verbis feudalibus Verbo investitura.* Aliquando tamen, si latius hoc vocabulum intelligatur, significat duntaxat jus adipiscendi possessionem corporalem. *1. feud. 3. §. si verò, 2. feud. 7. §. fin.* unde canonice electus, quia habet jus, ut sibi constituantur locus in Capitulo, & stallus in choro,

latè dicitur *investitus* in *cap. 2. de Re-*
nuntiat. Gonzalez *ibidem n. 5.*

Investitura rursus vel est *verbalis*, **3**
vel *realis*. Illa fit per verba cum tra-
ditione alicujus symboli, putà, annuli,
baculi, libri, sigilli, vel funis campa-
næ, & hæc non est investitura propriè
dicta, quia non transfert possessionem,
sed tantum tribuit jus apprehendendi
eam. Unde Joannes VIII. in *cap. 1.*
C. 16. Q. 2. ait: *Magis fuisse possessionem*
dare, quam investitaram concedere.
Gonzalez *ad cap. 4. de Concess. præbend.*
num. 2. Realis investitura fit, dum quis
in locum beneficii actualiter introduci-
tur, &, ut vocant, installatur. Circa
utramque investitaram stylum, &
obseruantiam locorum attendendam es-
se monent DD. De investiture *Sym-*
bolicis videndus est Boehmerus *ad b. t.*
§. 6. & seqq.

§. II.

Cui competit jus instituendi?

S U M M A R I A.

4. *De Jure communi institutio competit ei, cui alias, si beneficium liberæ collationis*
esset, *jus conferendi competenteret, quod tamen ab inferioribus Prælatis præscri-
ptione, privilegio, aut consuetudine acquiri potest.* **5.** *Institutio competit Ca-
pitulo Sede vacante.* **6.** *Potest etiam à S. Pontifice concedi Abbatissis, aliis-
que Monialium Præpositis.* **7.** *Non tamen hoc jus acquirere possunt laici, etiam*
præscriptione immemoriali. **8.** *Institutio authorizabilis competit Episcopo,*
aut alteri Ordinario. **9.** *In quibus casibus Episcopi approbatione opus non*
fit? **10.** *Institutio corporalis cui competit?*

4. *J*us instituendi in beneficio, si lo-
quamur de Institutione *collativa*,
regulariter, & de Jure communi
competit illi, ad quem alias collatio
beneficij, si liberæ collationis esset, spe-
ctaret, ideoque Episcopus loci, in quo

beneficium est situm, hac in parte fun-
datam pro se in jure intentionem habet.
cap. 3. b. t. Quin tamen hoc ipsum
jus etiam Prælatis inferioribus per pri-
vilegium, præscriptionem aut consue-
tudinem acquiri possit, dubitare non
sci-

sciunt textus in cap. 6. h. t. cap. 15. de Offic. delegat. cap. 15. & 18. de Praescript. non obstante Tridentino Sess. 14. de Reform. cap. 12. ubi statuitur, ut in casu fundationis, aut donationis hujusmodi Institutio Episcopo, & non alteri inferiori reservetur, quia, ut ait Card. de Luca ad cit. loc. Concil. discurs. 11. num. 27. Concilium per hoc in nihilo alteravit dispositionem Juris communis, seu legem etiam particularem fundationis, aut aliam ex consuetudine, vel privilegio quæ sitam instituendi potestatem, sed, ne præsentati citra legitimam superioris Ecclesiastici institutionem, sola patroni præsentatione freti, possessionem beneficii sua unius auctoritate occuparent, his, inquam abusibus, qui fors per id tempus irrepererant, hac constitutione Concilium occurrere voluit, quod ipsum confirmatur ex alio loco Concilii, scilicet cap. 9. de Reform. Sess. 25. in illis verbis: *Quodsi ad inferiores Institutio pertinet* &c. ubi simul adjicitur, quod præsentatus se Episcopo fistere, & examen subire debeat, secùs Institutio ab inferioribus facta irrita sit.

Quod Capitulo sede vacante competat tum approbatio, tum Institutio præsentatorum, tametsi in jure conferendi beneficia libera non succedat, patet ex cap. 1. h. t. in 6. Ratio est, quod Institutio sit actus jurisdictionis, quem Episcopus ex officio impetrari debet, in iis autem, quæ sunt ex necessitate Episcopo facienda, Capitulum succedit. cap. 11. & 14. de M. & O. Panorm. ibid. Quod tamen ita limitat Lotter de Re benefic. lib. 2. Q. 2. num. 34. ut, si plures fuerint præsentati in concursu, ita, ut locus sit gratificationi, Institu-

tio non transeat ad Capitulum, quia hoc jus gratificandi quasi privative videtur esse reservatum Episcopo, per cap. 24. de Jur. Patron. Hanc ipsam potestatem Vicario generali etiam simpliciter constituto competere, eruitur ex cap. 3. h. t. & cap. fin. de Offic. Vicar. in 6. Fagnan. ad cit. cap. 3. n. 5.

Quæres I. An jus instituendi Abbatis, & aliis Monialium Præpositis respectu beneficiorum, pleno jure incorporatorum, concedi possit? Respondeo ex speciali Sedis Apostolicæ indulto posse, quia, eti potestatis clavum de Jure Divino incapaces existant, ideoque jurisdictionem fori interni Clericis dare nequeant, non tamen sunt simpliciter incapaces illius jurisdictionis, quæ ex Jure Ecclesiastico promanat, qualis est collatio, & Institutio in beneficiis, & ita sentit Layman. ad cap. 12. de M. & O. num. 1. & 2. & in Theol. Moral. lib. 1. Tract. 5. part. 1. cap. 3. num. 4. cum Garzia part. 1. cap. 2. n. 33. & aliis ibidem relatis.

Quæres II. An laici jus instituendi præscriptione immemoriali acquirere possint? Certum est, non implicare, quin, à S. Pontifice, si potestatis plenitudine uti velit, adhuc habilitari possint, sicut defacto ad jus præsentandi (quod est spirituale) habilitari sunt. Garzias loc. cit. n. 33. Præscriptione tamen imemoriali jus instituendi ideo acquirere non possunt, quod sit jus spirituale, quod à laico possideri nequit. Arg. cap. 56. de Elect. sine possessione verò præscriptio non procedit. cap. 3. de R. J. in 6. Quodsi tamen in quasi possessione hujus juris per tempus imemoriale constituti fuerint, relinquendi sunt, quia præsumuntur per pri-

privilegium Apostolicum ad hoc jus fuisse habilitati. Resolvitur autem rursus hoc jus, si postmodum constiterit, nullum revera iis datum fuisse privilegium. Vid. Leuren. *in foro benefic. part. 2. seſt. 1. cap. 3. q. 174.*

8 Institutio authorizabilis, qua conferatur potestas exercendi curam animarum, spectat ad solum Episcopum. Conc. Trid. *Sess. 23. de Reform. cap. 15.* vel alium Prælatum, jurisdictionem quasi Episcopalem habentem. Fagnan. *ad cap. 4. de etat. qualit. num. 4.* quamvis enim quilibet Sacerdos in sua Ordinatione accipiat potestatem absolvendi in *actu primo*, hanc ipsam tamen citra approbationem Episcopi validè in *actu secundo* exercere nequit, ob defectum jurisdictionis, cùm enim Sacramentum Pœnitentiæ in forma *judicij* sit institutum, judicaria potestas simplici Sacerdoti competere nequit, nisi sibi ab Episcopo consignentur subditi, & insimul concedatur jurisdictione in eosdem. Salmanticens. *de Sacram. in genere tract. 6. cap. 11. n. 5.* Hanc autem duobus modis Episcopus impertiri solet. I. Conferendo beneficium *curatum*, quo obtento, Parochus hoc ipso censetur approbatus, & jurisdictione instructus ad absolvendum, & ligandum in foro pœnitentiali. II. Per simplicem concessionem, qua Episcopus Sacerdotem prævio examine (si ita visum fuerit) approbatum, deputat ad curam animarum exercendam. Clericatus *de Sacrament. Pœnit. Decis. 37. num. 6. § 9.*

9 Nonnulli tamen casus, in quibus ad validam impertiendam absolutionem approbatione Episcopi opus haud esse, videtur, à DD. referuntur. I. Pro absolutione à venialibus tantum, à qui-

bus simplicem Sacerdotem citra Episcopi approbationem absolvere posse, docuerunt Diana, Card. de Lugo, Salmantenses, prout refert Clericatus *d. Decis. n. 26.* II. Quoad alia peccata jam confessa, et si mortalia fuerint, ex eadem ratione. III. Pro absolutione peccatorum mortalium, inculpabiliter in prioribus Confessionibus oblitorum, si postea pœnitens eorum recordetur, & simplici Sacerdoti confiteatur. IV. Pro Doctoribus, & Magistris, quibus approbationem Episcopi necessariam non esse, plures docuerunt. V. Hac ipsa approbatione haud egere Prælatos Regulares, quorum tamen sententiam in recensisitibus casibus tanquam erroneam, & improbabilem haud quamquam in praxi sequendam esse, docet Clericatus *de Sacram. Pœnit. Decis. 37. n. 26.* Sbo-gar *in Theol. Radical. tract. 2. cap. 1. num. 17.* Duo igitur duntaxat sunt causas, in quibus Episcopi approbatione opus haud est. I. In articulo, vel periculo mortis, in quo omnes Sacerdotes (etiam Hæretici, excommunicati degradati, irregulares) plenariam potestatem, & jurisdictionem habent absolvendi moribundos à quibusunque peccatis, censuris, & reservationibus juxta expressam sanctionem Conc. Trid. *Sess. 14. de Reformat. cap. 7.* Clericatus cum pluribus à se citatis. *d. Decis. 37. num. 27.* Alter casus est circa Confessarios Regulares, qui Confessiones Regularium, & etiam illorum sæcularium, qui sunt verè de familia, & continui commensales, cum sola Prælati licentia, sine speciali approbatione Episcopi, excipere possunt, quia Concil. Trid. *cit. Sess. 23. de Reform. cap. 15.* approbationi Episcopali Regulares eo tan-

A a 3

tum



tum casu subjicit, quo audire volunt
secularium confessiones, ergo quoad
Confessiones Regularium huic legi non
subjacent, sed sicut quoad reliqua Sa-
cra menta, ita etiam quoad Sacramen-
tum Pœnitentiaæ administrandum ab
unius Prælati sui jurisdictione depen-
dent, qui authoritatè sibi à SS. PP. con-
cessa vel per seipsum, vel per alios à se
deputatos regulares suos absolvere va-
let. Accedit declaratio Cardin. ad d.
cap. 15. Trid. n. 3. Clericat. de Sacram.
Pœnit. Decis. 39. n. 1.

10 Institutio corporalis, sive investitu-
ra, & introductio in possessionem Be-
neficii.

nesficii competit de jure comuni Archi-
Diacono per cap. 7. de Offic. Archi-Diac.
quamvis in cap. 28. de Præbend. in 6. di-
catur ad Episcopum pertinere, id enim
commode intelligi potest, pro decreto,
quo hanc institutionem, sive installa-
tionem per alium fieri mandat. Ho-
die Episcopi plerumque Commissarios,
etiamsi illi Archi-Diaconi non sint,
deputare solent, qui præsentatos in
possessionem beneficii sui introducant,
& installent. P. Reiffenstuel b.t. n. 44.
qui etiam à num. 46. ritus institutionis
corporalis, in beneficiis, sive investiture
explicat.

§. III.

*Quinam possint, aut debeant institui? Et quis institutionis
effectus.*

S U M M A R I A.

11. Requisita ex parte instituendi recensentur. **12.** Seipsum, habens jus instituen-
di, presentare, & instituere nequit. **13.** Solvuntur due oppositiones. **14.** In
institutione, sicut in collatione habenda major ratio indigenæ, quam alienige-
næ. **15.** Per institutionem acquirit institutus jus in re in beneficio. **16.** An-
cqdat suo jure, si institutus propria authoritate possessionem beneficii capiat,
sub distinctione resolvitur. **17.** Effectus ex parte instituentis genuinus pandi-
tur.

11 **U**T quis institutionis passivæ sit ca-
pax, sequentia desiderantur. I.
Ut sit Clericus, Laici enim ad ob-
tinenda beneficia capaces non existunt.
cap. 2. b.t. cap. 17. de Rescriptis. Et ideo
institutio illa citra specialem dispensa-
tionem Sedis Apostolicæ non teneret,
quæ facta est de Laico, tametsi is post
factam institutionem mox Ordines re-
ciperet, quia habilitas instituendi præ-
cedere debet institutionem arg. cap. 6.
de Transact. P. König b.t. n. 7. Aliud

est, si Clericus præsentetur ad Benefi-
cium, ante receptum certum ordinem,
quem ipsius Beneficii qualitas requirit,
sufficit enim, ut is alias sit idoneus, &
infra tempus à jure definitum illum
Ordinem recipiat. Clem. 2. de ætat. &
qualit. P. König loc. cit. II. Requiri-
tur, ut à Patrono intra tempus legitimi-
num præsentetur. Est autem pro præ-
sentatione facienda tempus 4. Mensum
Patrono Laico, semestre vero Patrono
Ecclesiastico præfinitum, quod tempus

à die cognitæ vacationis, primum currere incipit. cap. 3. 10. & 27. de Jur. Patron. cap. un. §. verum eod. in 6. III. Præsentatus sit instructus iis qualitatibus, quæ ad beneficium condigne administrandum necessariae sunt, quibus, si careat, ab Episcopo repellitur, & aliis, ab Ordinario in ejus locum sufficitur, qui à patrono laico iteratò fuerit præsentatus (patronis enim laicis plures simul, aut successivè, re adhuc integra, præsentare licet. cap. 24. & 29. de J. P.) patronus Ecclesiasticus hoc jure variandi non gaudet. Quodsi plures præsententur ad beneficium, is, cui jus instituendi competit, digniorem assumere necesse habet. cap. 3. b. t. Concil. Trid. Sess. 24. de Reform. cap. 18. Eò tamen casu dignum præ digniori assumere tenetur, quo inter præsentantes dignior à minore, dignus verò à majori parte præsentatur. cap. 3. de Jur. patron. Ratio est, quod regulariter in negotiis Universitatis, quæ à majori parte gesta sunt, subsistant. arg. cap. 1. de his, quæ sunt à major. part. Capit. Num verò necessè sit, ut conveniat major pars, habito respectu ad omnes patronos, an sufficiat major pars, habita comparatione ad minorem? E. G. sunt quatuor patroni, duo præsentant *Titum*, tertius *Sempronium*, quartus *Ca-jum*. Præsentatus à duobus non habet vota absolute majora, sed tantum respectivè majora, habito respectu ad alios præsentatores. Panormit. ad cit. cap. Sic resolvit: Aut præsentatio fit ab ipsis quatuor patronis tanquam à collegio, & tunc requiritur majoritas votorum absolute, hoc est, respectu totius collegii. cap. 1. de Elect. Aut isti patroni præsentant ut singulares, ut

communiter faciunt Laici, quibus jus Patronatus patrimoniale est, & tunc sufficit major pars votorum respectiva, hoc est, respectu aliorum patronorum singularium, ut cit. cap. 3. de J. P. cum Panormitano intelligit Vivianus *ibid.*

Quæres: An patronus Clericus habens alioquin jus instituendi, seipsum præsentare, & instituere possit? Resp. negativè: Textus in cap. ult. b. t. & cap. 26. de J. P. Ratio itidem datur, quod inter dantem, & accipientem debit intercedere distinctio personalis, & ne patronus seipsum instituere volens, de ambitu se reum, & hoc ipso indignum beneficio faciat. Nam, ut ait Gregorius Papa in cap. 9. C. 8. Q. 1. *Sicut locus regiminis desiderantibus negandus est, ita fugientibus offerendus.* Et idè nec delegatus Prælati, cui jus conferendi beneficium, aut instituendi competit, poterit conferre beneficium, aut instituere delegantem, quia delegatus non tam suo, quam delegantis nomine agit, l. 1. ff. de Offic. ejus, cui mandat, & sic in effectu ipse delegans sibi met beneficium conferre censeretur, ac in facto proprio sibi autoritatem præstaret, contra l. 1. ff. de Auth. Tutor. Duos tamen casus excipit Panormitanus ad cit. cap. fin. b. t. in 6. I. Si talis collator absolute transferat potestatem instituendi in alium, eamque penitus à se abdicet, tunc enim, quia novus collator proprio nomine confert, poterit ab ipso beneficium recipere. II. Si talis Prælatus, cui alias jus conferendi, vel instituendi competit, beneficium reciperet à S. Pontifice, non ejus legato à latere, tunc enim, quia & Pontifex, & legatus de jure communi cum quolibet collatore concurrunt, & jure

or-



ordinario conferunt, inter dantem, & accipientem intercederet distinctio personalis, adeoque collatio, aut Institu-
tio jure subsisteret. P. Reiffenstuel h.t.
num. 89.

¹³ Quæ contra hoc assertum solent op-
poni, est I. instantia à jurisdictione
voluntaria, quam quis in seipsum exer-
cere non prohibetur. II. S. Pontifex
dat jurisdictionem, & potestatem suo
confessario, eundem absolvendi à pec-
catis: ergo à fortiori poterit aliquis
Prælatus dare alteri potestatem conse-
rendi beneficium sibi, aut se instituen-
di. Respondeo ad instantiam à juris-
dictione voluntaria petitam, illam ad
casum nostrum ex eo non posse appli-
cari, quod in Institutione sui ipsius in
beneficio specialis turpitudo versetur,
scilicet, vitium ambitus, ob quod quis
se usque adeò indignum reddit benefi-
cio, ut ne ab alio quidem institui pos-
sit, arg. cap. 9. C. 8. Q. 1. tantum ab-
est, ut seipsum instituere valeat, quia,
ut ait Pontifex in cap. 28. de Jur. patr.
*Nullus se ingerere debet Ecclesiastice Præ-
lationis officio.* Ad alterum dico, quod
Confessarius absolvens Pontificem non
procedat ut delegatus Pontificis, ejus
jurisdictione utens, sed utitur jurisdictione
sibi à DEO in sacra ordinatione
collata cap. 1. de SS. Trinit. ita, ut, si
Pontifex se ultrò, & sponte subjicit
Confessario, ejus radicalis potestas,
quam Sacerdos in sua ordinatione acce-
pit absolvendi in foro interno à pecca-
tis, actuatur, & sic non utitur jurisdictione
delegata in delegantem, quod
contra fieret, si Prælatus daret alteri
jurisdictionem, & facultatem sibi con-
ferendi beneficium, vel se instituendi,
quod enim quis per alium facit, per

seipsum facere censemur. cap. 71. de R.
J. in 6. Panorm. ad cap. ult. h.t. n. ult.
P. Verani h.t. g. 3. num. 19. § seq.

Circa instituendos id porrò notan-¹⁴
dum est, quod indigenæ alienigenæ
præponendus sit, quia in cap. ult. de
Cleric. peregrin. prohibentur Prælati in
suis Ecclesiis absque consensu Episcopi
Clericos de alienis Diœcesibus, & Epi-
scopatibus instituere. Hujus prohibi-
tionis non una ratio reddi potest. I.
Præsumuntur indigenæ magis diligere
oves, quam extranei. II. Propter idio-
matis diversitatem, ut enim populus
pastoris sui idioma intelligat, summè
necessarium est. Ex hac ipsa causa S.
Augustinus coadjutor datus fuit, ut su-
præ notavimus. III. Præsumuntur indigenæ
præ alienigenis majorem patriæ,
& residentiæ habere amorem. IV.
Quod non deceat, ut alienigenæ alieno-
rum laborum fructibus gaudeant, id
quod fieret, si decimas, & stipendia
ex bonis ab alienis parentibus quæsitis
perciperent, & consumerent. V. Quod
publica utilitas certius promoveatur per
indigenas, quia in exteris facilius time-
tur proditionis periculum. Sic irati
DEI signum est regi ab extero. Deut. 22.
*Advena, qui tecum versatur in terra,
ascendet super te, eritque sublimior; tu
autem descendes, & eris inferior: ipse
fœnerabitur tibi, & tu fœneraberis ei:
ipse in caput, tu eris in caudam.*

Institutio alium effectum operatur¹⁵
ex parte instituti, alium ex parte institu-
tentis. Ex parte instituti operatur In-
stitutio collativa jus in re, seu jus per-
fectum in beneficio, etiam ante appre-
hensionem, sive traditionem possesso-
nis. arg. cap. 4. de Præbend. in 6. Mo-
dò tamen beneficium acceptaverit, vel
per

per se cap. 17. de Præbend. in 6. vel per alium. cap. 24. de Præbend. tametsi is Laicus fuerit. Arg. cap. 1. §. 1. de Procurat. in 6. ubi Laicus admittitur ad agendum, & defendendum in causis spiritualibus. Quamvis tutius, & convenientius sit, ut absens Clericus per Clericum institutionem acceptet. Panormit. ad cit. cap. n. 5. Per institutionem, sive investituram realem acquirit institutus veram, & actualem ipsius Beneficii possessionem, ut jam suprà dictum est.

¹⁶ Hic jam queritur: An, si præsentatus post institutionem *Tituli* collativam propria auctoritate possessionem Beneficii capiat, is suo jure per institutionem quæsito cadat? Respondeo cum Covarruv. V. R. lib. 3. cap. 16. num. 7.

& Garzia part. 4. cap. 2. n. 4. sub distinctione: aut vacuam ingreditur possessionem, aut alium possessorem violenter expellit. Hoc casu omne jus amittit. cap. 18. de Præbend. in 6. priori non item, quia id nullibi expressum reperitur, poterit tamen arbitriè puniri, tametsi verus possessor efficiatur. Ex parte Instituentis institutio hos ¹⁷ operatur effectus I. tenetur præsensato, si præmisso examine idoneus repe riatur, & proposito citationis edicto nullus contradictor appareat, conferre *Titulum*, sive *jus in re* ad Beneficium Patronatum arg. cap. 14. de *Jur. Patron.* II. tenetur præsentatum collato semel *Titulo* invertire, seu in possessionem Beneficii corporaliter introducere. Vid. P. Reiffenstuel h. t. n. 46. & seqq.

TITULUS VIII.

De Concessione Præbendæ, & Ecclesiæ non vacantis.

Dupliciter in Concessione Præbendæ, vel collatione Beneficii errari potest: vel tardè nimis illud conferendo, non observato videlicet termino Concilii Lateranensis, trimestri, aut semestri, per ea, quæ traduntur in *Tit. de supplend. neglig. Prælat.* vel nimis mature, & præproperè, antequam scilicet vacaverit. Quid de utroque præpostero hoc providendi modo jure cautum sit, in præsenti *Titulo* exponitur.



B b

§. I.